

洞真太上說智慧消魔真經卷四之五

內四

洞真太上說智慧消魔真經卷之四

內四

證聖品

太上告青童君曰衆聖積功因緣致果果極
證備妙姿絕倫救度三十六天故得三十六
相生成八十一品故得八十一好一切大感
共覩具形小感篇應各現多少少現多藏凡
不能覺是以衆聖真體无定質定有常无增
无減知之者希故爲獨貴然志學之士通照
雖未圓周至於所見隨識覲竒識眉眼者矚
眉眼特異識鼻口者覺鼻口超殊如是三十

有六各隨識明明極識遍乃具朗焉一切含
悉同少異多多元鞅數少極乎一一未可至
此同路遐方須治練練多還少少未至一尚
有三十六階階為一天有一巨異巨異為一
天之極極三十六者乃會一源是以會之之

四

方各立科術法迹參差或同或異異同之根
以善為本本一分應成三十六三炁三界備
在其中色通其外外得忘言得之三十有六
三十六天各有其一絕勝之相太上備有諸
天天人真人仙人聖人神人各有多少諸世

間人帝王公侯至于凡庶又各有多少富貴
而夫貧賤而壽无家宅宇而有師君有宮第
舍而无資待或多財寶不事衣冠或豐飭味
不營屋室乃至樹下草菴名聞高顯或華堂
麗苑以振芳風又有瓊臺无道石户有德參

差億緒勝負萬端上有下事下有上業因緣
不同修行各異不得相非非則傷識識神全
通通在五德德五能備諸迹可忘忘迹而迹
存自然相好具足三十六則貴富才明威嚴
光彩超衆絕倫宮宇城邑寶蓋床帷香花伎

樂侍衛參羅文武羽翼幢鼓高宏風雲清和
動靜相附日月炎光萬色衣冕百和滋味身
口豐盈須與不須適意自在无上真人太一
元君積學習善究竟得斯斯未得者轉輪生
死死生苦樂一有一无識不能通滯則失倫
內四
倫失墮惡未有還期期還向善是今學人各
精自揆何有何无求其所无不滯所有有能
贍物无則自臻凡有錢財而无才解宜行布
施不生恡心輕財貴道才解日新若有宅宇
而无康寧宜納賢聖舍住真仙心无悔惜憂

患自消若有衣食而无長年宜減身割口供
養明師尋求竒方修習妙術心不懈怠必保
延生若有才智而无居糧宜藏明內觀密化
後生開導一切不名其功謙退晦迹心不懷
疑神明所護人鬼所崇自得廣宇天宮福堂
衣食靈異侍衛鮮華凡如此類以推衆事事
自現彰不復具記明者得之捨有而求无无
不必得得无在无滯无滯在不拘彼求則與
无固執焉此爲无滯非爲捨也彼雖不求有
之勞慮存避與他是名爲捨非无滯也捨此

與彼滯此之无尚非道也又求而與之我雖
不執彼得成災此簾不滯亦非道也道不滯
妙妙者照明我捨无損彼得有益是名爲道
智慧人也施與多方宜與不宜得宜者是智
慧失宜者是愚癡癡在雖施乖智慧也又物

內四

三

來求我詳量實虛虛者試我也實者憑我也
憑者有善惡試者有精簾簾試者破而摧之
精試者辭而謝之謝之者聖師善神以事試
我我无妙德德未備充致試今來精識意趣
已知已了无復惑心以此辭之是爲智慧摧

之者五魔三毒變化試之未明吾術未信吾
威於是治之誅責制伏使之歸降能勝魔怨
是名智慧被試驚怖徬徨迷惑是爲不度非
智慧人非智惠人陷入魔黨能悟邪群自拔
得出出邪還正正心誓志堅无退轉譽來不
喜毀至不愁解之有方消之有法直置毀譽
无屑中懷修行正法道德无懈毀譽自弭是
智慧也彼來加犯犯不校計可言言正不可
則已嘿識神道潜捐犯加加犯自歇无生報
之心心不懷報道德日隆惡徒惡之不能中

傷反自受弊乃更悲之哀念愚頑不得逞快
用心若此是智慧也一切凶人反逆无狀詰
道誚德呵天罵地毀辱父母誹謗師君嫉妬
親友讒賊善人有能容忍受枉不瞋解喻不
已恭順不諍全道在心是爲智慧若憤激自

明申直伐枉損彼利己或殺身取名或不顧
身各肆其忿意死而无悔或更增感結非智
慧也凡一切惡人凶禽毒獸蟲鳥螫蠱皆應
防之防之无術術淺不攘先對既深今功德
淺報來必至至不忘道知是宿罪所招不怨

今日之苦念與仇對解釋因緣不生惡意強
梁加之然其初來輕重未測先設方法說喻
呪願種種釋之務令兩不相傷縱復刀杖恐
憎使退必无殺害重增怨讎力設方術不能
卻之分受毀壞以訓宿對不起報彼之心存

內四

四

道求後永免此為智慧凡聰明而貧賤閹塞
而富貴仁慈而短祚諂害而長年无罪而罹
禍有豐而逸遊皆各報對毫分无差明通者
了昧滯者疑疑不能遣遣不求非智慧也智
慧者无疑无疑者有識識三十六天地明三

十六妙行吟三十六真音群魔滅爽矣三尸
極凶謂爲三毒毒害人命急宜除之守一精專
三尸自滅一无形象无欲无爲求之難得守之
易失失由識闇不能進明貪欲滯心致招衰老
得喜失明致招疾病迷者不改致招死死殞瞑
及老三尸所延治救保全唯先守一非一不濟
非一不成守一恬惓夷心寂求損欲抑德反迷
入正廓然无爲與一爲一此爲上上之人先身
積極所致也中中以上先善未積積而未極
皆由漸昇當存三元諦識神炁狀貌名字出入

有无主鎮三宮三尸必落三元又妙非可即
弘當懃行善五德備修萬善日積千魔敢干
尸毒既去練闇成明智慧神通長生不死聖
真神仙隨因受果昇玄化世順運去來自測
測人觀身觀物皆有證驗精詳察之有非即
由四
改悔有是即堅行齋靜存思服佩藥符章表
五
懺願疑實无虛无貪无欲不衰不老老反童
嬰身神光澤无喜无嗔不病不厄厄度病除
炁力强盛无迷无嫉不死不亡亡歿不歿正
见无邪自通通人與道爲一一合一也號聖

真仙欲不能寡衰不能攘嗔不能遣病不能
差愚不能移死不能免空稱學道皆虛妄也
虛妄之徒終陷魔黨致使世境有詐稱假名
或號太上或名聖真矯託神仙亂惑一切自
非實學孰能正之化邪保正守一明三行五
備六六通之人无有假偽動靜皆真雖有權
化終用真道真道之業不衰不病不死長生
教訓不倦古今典籍過目即諳照其真偽了
其抑揚明其漏誤洞其精蘊治定解說朗然
釋疑施經運用肅然有驗吐言无瑕出文无

累清談動天敷文曜日落筆成章序譜玄極
或經或傳或戒或律或偈或頌或券或疏或
辭或牒或章或表或懺或願或訣或符或記
或錄或少或多或繁或簡或素或華或文或
質或淺或深隨方設教行藏不同出没舛異

隱顯之殊或先乖後會或前合後離離惡合
善善爲道基發言着章有離有易有濫有利
宛直各宜一通之人百字不治二通之人千
言不改三通之人萬字不玄四通之人十萬
不易五通之人百萬不拘六通之人千萬不

點自此以外應變無窮非斯六人不可製作
乃得撰集効述古先皆應證引前聖謨誥慎
勿率已膏臆而言縱言已心心未通達不入
正法皆謂邪文少時自滅不久宣行唯彼六
人流布無窮或隱或顯終不滅亡後學之儔

內四

六

精研此旨覺未同六莫強著書徒勞心力人
鬼所嗤得罪玄靈方罹重拷風刀痛惱歷劫
無原勿尚虛名輕脫妄作妄作者凶明各加
慎凡有益無益之為有利無利之為為為無
為為為非我我為非我我為為物為為為物

有爲非爲非爲之爲爲无爲也爲无爲者怨
謗不生不生不傷已彼自招災災加於彼痛之
悲之念之祐之不快不縱不縱不快救之盡
方方不能濟濟非彼堪此自常言彼自陷凶
陷凶非此此吉不求不求自至自至非凶自
然是吉不知此吉非智慧人人嗔忿我我嗔
忿之縱不報忿而不防閑坐彼罪深貽此禍
重重禍尋來來不覺知闇任爲通災延不測
未能免之非智慧也自能教人教人能益
已益人益勿益益无益无曰損損僞益真真

人教人不私在己己善善人人善同己己人
同善善練入真真道成就毀辱不來來不爲
害判无所疑疑非智慧流言謗讟不反不覆
方便解釋悅而不嗔彼我欣然疑誚雲散任
性自是不顧祛他雖會中直未能兼弘偏羨

內四

七

有傷非智慧也非智慧者魔試日干无由得
三十六芝无緣果三十六相不能生八十一
好衆魔不可得消威神未得具足道場不可
妄登登道消魔先定智慧矣青童稽首拜受奉行
洞真太上說智慧消魔真經卷之四

洞真太上說智慧消魔真經卷之五

變化品

太上告金闕帝君曰億兆有感感必有應惡
是本有有而未極雖有微善善非妙善思惡
惡應本有相趣也善是本无无而未有捨彼
兼惡思此妙善妙善善應本无今起也本无
是道道應唯善善有大小皆非惡也本有是
俗俗應唯惡惡有大小皆非善也是以為惡
者道雖救之劇迷者不迴不迴遂墮惡非智
慧所可如何也為善者俗雖攻之堅正者不

懷不懷遂成善是智慧所可營立也營立以
一一生陰陽太和布炁含精養神炁至妙
无始无終无际无岸无頂无底无有中間无
處无也有處皆有有不能知知者智慧无上
之人也无上之人體此妙智而明守一施用
不盈淵湛宗主迹應有分隨得多少故有巨
細智慧焉何者智慧外名妙炁內實實自无
離名有假合斂末歸本引僞還真真內无假
應外有離離去復歸名有出入入爲心神出
爲行業業有科法經教文言遵行布散施用

依師始終无虧號曰功德功德成就由於五
神肝魂肺魄脾志腎精心神相須了明无逆
調和相順三一乃留留一統五六通在躬身
神俱一入不二門心爲行主行歸心神神通
无二抱一不離一无洞空空處无極无不容

內四

八

无不有內實无名外稱智慧也智慧者標源
攝流智者知歸慧者不惑不惑入定應感无
遺纖善必祐有功必輔有德必興有因必果
果此入定變化適宜知定不定解法不修修
之无驗窮不能通空言而无實事非智慧也

智慧建德立功遵方用術謹密精嚴存道依
經從師取驗久而無徵更增篤勵練習无休
自然有成方術雖多要在少許耳第一存道
守一一道一心无二想淨行无滲服符勅
呪數炁躡步所修能專无不克驗驗成不久
皆由未精精又精之其中有信信決如左慎
勿妄宣也

智慧上士習此三術消却魔怨誅除鬼賊制
伏惡人禳辟凶炁除憂救病保免兵戎水火
不能侵衆災不能犯逍遙三界之外遊宴王

母之家代見太平之君名入種民之錄神仙
進昇皇階極級永與道合變化无窮是智慧
之妙功衆聖之要訣矣金闕聖帝稽首奉行

丙四

九

洞真太上說智慧消魔真經卷之五



Vertical text on the right side of the page, likely bleed-through from the reverse side. The characters are faint and difficult to read, but appear to be in seal script.

